



Broj: JN-1/18.7.3-16.4-15-35/21
Datum: 05.07.2021. godine

Na osnovu člana 61. Zakona o Upravi ("Službeni glasnik BiH", broj 32/02 i 102/09), člana 22. stav 1. Zakona o službi za poslove sa strancima ("Službeni glasnik BiH", broj 54/05 i 36/08), člana 64. stav (1) tačka b), člana 70. Zakona o javnim nabavkama Bosne i Hercegovine („Službeni glasnik BiH“, broj 39/14) i Zapisnika o pregledu dokumentacije i traženje saglasnosti za dodjeljivanje Ugovora trećerangiranom ponuđaču broj: JN-1/18.7.3-16.4-15-30/21 od 29.06.2021. godine, direktor Službe d o n o s i:

O D L U K U

Član 1.

Prihvata se preporuka Komisije za javne nabavke Službe o dodjeli Ugovora trećerangiranom ponuđaču, na osnovu kriterija najniže cijene, u konkurentskom postupku sa objavom tenderske dokumentacije i obavještenja o nabavci na Portalu javnih nabavki broj: 1420-7-2-7-3-14/21, za usluge čišćenja kancelarijskih prostora i to:

- **LOT-5. – Kancelarijski prostor Terenskog centra Brčko**
„EUROSAN“ d.o.o. Mostar sa ukupnim iznosom ponude od **3.399,96 KM** bez PDV-a

Član 2.

Ugovorni organ će u roku od 15. dana dostaviti na potpis i ovjeru ponuđaču iz člana 1. ove Odluke potpisan i ovjeren Ugovor sa svoje strane.

Ponuđač čija je ponuda izabrana kao najpovoljnija obavezuje se da dostavljeni potpisani i ovjereni Ugovor potpiše i ovjeri u roku od 10 dana od dana prijema, te da isti dostavi na Protokol Službe za poslove sa strancima.

U suprotnom Služba za poslove sa strancima smatrat će da je izabrani ponuđač odustao od Ugovora.

Član 3.

Za realizaciju ove Odluke zadužuje se Sektor za administraciju.

Član 4.

Ova odluka objavit će se na web stranici Ugovornog organa, www.sps.gov.ba, i istovremeno će se uputiti ponuđačima koji su učestovali u postupku javne nabavke.

Član 5.

Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju procedura javne nabavke usluga čišćenja kancelarijskih prostora broj: JN-1/18.1-16.4-15/21 i proveden je putem

konkurentskog postupka sa objavom tenderske dokumentacije i obavještenja o nabavci broj 1420-7-2-7-3-14/21 na Portalu javnih nabavki.

Na osnovu obavještenja o nabavci za usluge čišćenja kancelarijskih prostora za čišćenje kancelarijskog prostora Terenskog centra Brčko (LOT-3.) ponude je dostavilo 3. (tri) ponuđača i to:

- „ATALIAN GLOBAL SERVICES BH“ d.o.o. Sarajevo
- „EUROSAN“ d.o.o. Mostar
- „EURO-EMS“ d.o.o. Tešanj

Ugovorni organ je za usluge čišćenja kancelarijskih prostora Terenskih centara po lokacijama planirao provođenje E-aukcije.

Komisija za javne nabavke izvršila je evaluaciju ponuda i prije dostavljanja Zapisnika o pregledu i ocjeni ponuda direktoru na saglasnot dostavila je Sektoru za administraciju spisak ponuđača čije ponude ispunjavaju uslove za E-aukciju i to:

- „ATALIAN GLOBAL SERVICES BH“ d.o.o. Sarajevo
- „EUROSAN“ d.o.o. Mostar
- „EURO-EMS“ d.o.o. Tešanj

Za javnu nabavku „Usluge čišćenja kancelarijskih prostora Terenskih centara po lokacijama“ planirana je E-aukcija kroz sistem „e-Nabavke“ koja je zakazana dana 18.05.2021. godine u 10:13 sati. E-aukcija je provedena dana 20.05.2021. godine sa početkom u 12:30 sati na kojoj su učestvovali gore navedeni ponuđači gdje je nakon provedene E-aukcije najpovoljniji ponuđač „ATALIAN GLOBAL SERVICES BH“ d.o.o. Sarajevo.

Komisija za javne nabavke Službe imenovana Odlukom direktora broj: 18.1-16.4-7-1/21 od 31.12.2020. godine dostavila je direktoru Zapisnik o pregledu i ocjeni ponuda broj: JN-1/18.7.3-16.4-15-8/21 (koji je u prilogu Odluke) i uputila preporuku direktoru Službe za izbor najpovoljnijeg ponuđača.

Direktor Službe donio je Odluku broj: JN-1/18.7.3-16.4-15-10/21 od 01.06.2021. godine, kojom je prihvatio preporuku Komisije o dodjeli Ugovora prvorangiranom ponuđaču „ATALIAN GLOBAL SERVICES BH“ d.o.o. Sarajevo.

Navedena Odluka dostavljena je prvorangiranom ponuđaču u prilogu akta, broj: JN-1/18.7.3-16.4-15-16/21 od 02.06.2021. godine, te je istim aktom izabrani ponuđač obavješten da je u skladu sa tačkom 3.1.1 Tenderske dokumentacije – Lična sposobnost –član 45. Zakona o javnim nabavkama, obavezan dostaviti dokaze koji su traženi tenderskom dokumentacijom u roku od 7 dana od dana zaprimanja obavještenja.

Međutim, dana 09.06.2021. godine od strane prvorangiranog ponuđača dostavljen je e-mail, kojim su nas obavjestili da nisu u mogućnosti da prihvate Ugovor o davanju usluge čišćenja kancelarijskih prostora terenskih centara po lokacijama u Službi za poslove sa strancima.

Članom 72. stav (3) Zakona o javnim nabavkama propisano je da „Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti orginale ili ovjerene kopije dokumentacije iz čl. 45. i 47. ovog zakona, ne starije od tri mjeseca, od dana dostavljanja ponude ili zahtjeva za učešće, u roku koji odredi ugovorni organ ili odbije



zaključiti ugovor pod uslovima navedenim u tenderskoj dokumentaciji i ponudi koju je dostavio...”

Shodno navedenom, Komisija za javne nabavke predložila je direktoru Službe da donese novu Odluku o potpisivanju Ugovora sa drugorangiranim ponuđačem „**EURO-EMS**“ d.o.o. **Tešanj** čija ponuda ispunjava sve uslove iz tenderske dokumentacije i ocijenjena je kao drugorangirana za nabavku Usluga čišćenja kancelarijskog prostora Terenskih centara Travnik.

Direktor Službe donio je Odluku broj: JN-1/18.7.3-16.4-15-23/21 od 16.06.2021. godine, kojom je prihvatio preporuku Komisije o dodjeli Ugovora drugorangiranom ponuđaču „EURO - EMS“ d.o.o. Tešanj.

Navedena Odluka dostavljena je drugorangiranom ponuđaču u prilogu akta, broj: JN-1/18.7.3-16.4-15-27/21 od 17.06.2021. godine, te je istim aktom izabrani ponuđač obavješten da je u skladu sa tačkom 3.1.1 Tenderske dokumentacije – Lična sposobnost – član 45. Zakona o javnim nabavkama, obavezan dostaviti dokaze koji su traženi tenderskom dokumentacijom u roku od 7 dana od dana zaprimanja obavještenja.

Međutim, drugorangirani ponuđač „**EURO-EMS**“ d.o.o. **Tešanj** traženu dokumentaciju nije dostavio u roku koji mu je odredio Ugovorni organ.

Članom 72. stav (3) Zakona o javnim nabavkama propisano je da „Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti orginale ili ovjerene kopije dokumentacije iz čl. 45. i 47. ovog zakona, ne starije od tri mjeseca, od dana dostavljanja ponude ili zahtjeva za učešće, u roku koji odredi ugovorni organ ili odbije zaključiti ugovor pod uslovima navedenim u tenderskoj dokumentaciji i ponudi koju je dostavio...”

Shodno navedenom, Komisija za javne nabavke predložila je direktoru Službe da donese novu Odluku o potpisivanju Ugovora sa trećerangiranim ponuđačem „**EUROSAN**“ d.o.o. **Mostar** čija ponuda ispunjava sve uslove iz tenderske dokumentacije i ocijenjena je kao trećerangirana za nabavku Usluga čišćenja kancelarijskog prostora Terenskog centara Brčko.


Uzimajući u obzir navedeno, odlučeno je kao u dispozitivu ove Odluke.

Pouka o pravnom lijeku

Žalba se izjavljuje Službi za poslove sa strancima u pisanoj formi u tri primjerka neposredno, elektronskim putem ili preporučeno poštom sa povratnicom u roku od 10 dana od dana prijema ove odluke.

Dostaviti:

- svim ponuđačima
- web stranica Službe
- a/a



DIREKTOR
Slobodan Ujić